





原來與馬曰璐南齋集合訂共十冊

小蘇

所
何
幾
矣

沙河逸老 小稿



古人莫不有癖和嶠有錢癖王濟有馬癖杜預有
左癖嵇康好鍛阮孚好屐米芾好石性之所嗜結
而成習均癖也然癖有雅俗又專嗜而末世樂嗜
而馬兄懈谷獨以古書朋友山水為癖懈谷酷愛
典籍七略百家二藏九部無不羅致有未見書弗
惜重直購之備藏於小玲瓏山館以朋友為性命
四方人士聞名造廬適館授餐經年無倦色與鄉
之詩人結為吟社唱和劇刃有急難者傾身赴之
人比之鄭莊楊政渡江來吳凡寒山天平石公林
屋無奇不搜策蹇燕臺探龍潭尋潭柘一路名勝

沙河逸老

小稿



古人莫不有癖和嶠有錢癖王濟有馬癖杜預有
左癖嵇康好鍛阮孚好屐米芾好石性之所嗜結
而成習均癖也然癖有雅俗又專嗜而不能兼嗜
而馬兄懈谷獨以古書朋友山水為癖懈谷酷愛
典籍七略百家二藏九部無不羅致有未見書弗
惜重直購之備藏於小玲瓏山館以朋友為性命
四方人士聞名造廬適館授餐經年無倦色與鄉
之詩人結為吟社唱和劇刃有急難者傾身赴之
人比之鄭莊楊政渡江來吳凡寒山天平石公林
屋無奇不搜策蹇燕臺探龍潭尋潭柘一路名勝

俱經眺覽不謁津要而歸至金焦秦淮攝山尤為
近地時攜筇屐具此胸次發而為詩沂洄風騷下
上唐宋回翔於金元明代斥滌崇雅格韻竝高由
沐浴於古書者久也憶舊懷人傷離悲逝纏綿委
摯唱歎情深由敦厚於友朋者至也至峭刻得山
之峻明淨得水之澄縑險鑿幽滌波疊浪則又性
情與山水俱深矣懈谷之詩非懈谷之癖所流露
而成者耶丁巳歲予與懈谷定交包山寺中以山
水作合往來南北繫纜江干握手道故共訂歲寒
嘗邀予坐行菴示以所得秘帙新編并約為雁宕

廬阜之行而君遽成古人前盟未遂愴恨久之難
弟半查與兄同其癖者篤鴿原之義梓其遺詩問
序於予追思昔遊嗚咽執筆以復半查知不勝交
遊兄弟之感也乾隆戊寅九月長洲弟沈德潛題
於葑水之清曠樓

詩三百篇往往於兄弟之際三致意焉小雅鹿鳴
以下至魚麗序以爲皆宴勞之樂歌而常棣一篇
反覆以申兄弟之好歲時宴享絃而歌之所以感
世之所謂兄弟者可謂至矣其一章旣曰凡今之
人莫如兄弟其三章則又以脊鴿起興而致憾于
良朋之永歎而莫能相助其意非謂良朋之不可
恃也善乎呂氏伯恭所謂明親親之分使之反循
其本苟雜施而不遜雖曰厚於朋友如無源之水
朝滿夕除胡可保哉是故常棣之後卽次以伐木
所謂兄弟之情旣敦則朋友之義亦篤斯又序詩

者之微意也歟我友馬君嶰谷及弟半查皆以詩名江左平居兄弟相師友人多比之皇甫子浚伯仲焉當春秋佳日分吟箋設佳酌兩君皆垂垂白髮硯席相隨不離跬步依然如嬰兒之在同室見者竊歎以爲難嶰谷性好交遊四方名士過邗上者必造廬相訪縞紵之投杯酒之歛殆無虛日近結邗江吟社賓朋酬唱與昔時圭塘玉山相埒嗚呼何其盛也而余爲石交旣久主君家又二十餘年矣以道義相劇切以文章相期許風雨明晦始終無閒然後知君真能推兄弟之好以及朋友

而豈世之務聲氣矜標榜所可同日語哉前年嶰谷下世半查將刻其遺集問序于余嶰谷詩纏綿清婉出入唐宋之間當世皆知重之而余獨知嶰谷之深者故序其兄弟之好以表其制行之大端而世之讀嶰谷詩者有以知其根本深遠矣乾隆丁丑三月望後一日錢唐同學弟陳章頓首拜書

沙河逸老小稿卷一

祁門 馬曰琯 秋玉

秋日遊吳氏園林同用梨紅大谷晚桂白小
山秋平字爲韻

癩病同希逸初涼何所之林亭聊作主煙月暫相
期潮水通茅屋松聲出枳籬坐來神思靜酒渴索
霜梨

霧濃衣袂濕鳥語半園空寒竹玲瓏碧秋花細碎
紅自然舒倦眼兼可息微躬得謝塵埃事當爲鄰
舍翁

願結香燈社都將俗慮刪千花常作供一月不開
關歌板何曾污浮雲鎮日閑草堂披蕙帳風景似

嵩山

園內有
因是菴

雨來喧衆樹葉脫滿簾秋倚檻增新望連牀起昔
愁前年春曾與
先兄同過芙蓉欹澗底鴻鴈落沙頭感觸成
惆悵應難此久留

過馴象院循上人房同用庚韻

丈室曾經隔歲行重來結伴話無生幽花對客有
禪意山鳥下庭多逸情數縷殘香參貝葉一園疎
雨摘蕪菁門前便是修心處可許頻過聽水聲

鮒魚

鮒魚初出來秋涼賣徧筠籃半水鄉細麴開封勞
遠客全鱗不削授廚孃明燈下箸曾知羨夜雨登
舩祇自嘗風味可人情思減年來說食已相忘

答樊悔庭見贈次韻

許身謬欲比南金造物偏多後素心春事已拋三
月飲秋懷又廢二年吟書生舊業烏皮几明府新
詩白雪琴他日攜尊來問字中園嘉樹擬相尋

軒名
得樹

酬陸東來仍次前韻

墨潘曾聞惜似金多君憐我寂寥心銀鱗未報江
干句春日以鱗魚詩見按愧無以報團扇重來月夜吟砌下蛩聲
浥清露堦前梧葉奏秋琴而今晨夕誰相共祇向
東西屋裏尋

街南書屋十二詠

虛庭宿莽深開徑手芟翦會有雲壑人時來踏蒼

蘚小玲瓏山館

我有山中心不得山中宿愛此兩三峰憑闌肆遙

矚看山樓

綺錢晴日麗粉纈苔花侵春去亦等閑鬢絲吹上

簪紅藥階

摩圍老人語借以顏吾軒彈琴復解帶此意誰為

傳透風透月兩明軒

洞中若有室片雲入我懷長松覆陰竇煙蘿寨陽

崖石屋

疑遊水樂洞石激波滌洄啓窗無所有海桐花亂

開清響閣

垂垂紫瓔珞可翫復可摘摘以供清齋翫之比蒼

荀藤花菴

下規百弓地上蓄千載文他年親散帙惆悵豈無

人叢書

長廊歛夕曛味甘思益苦起予者寒蟲唧唧墻根

語見句廊

井上二楊柳掩映同翠幕空瓶響石闌寒泉濺芒

屨澆藥井

七峰七丈人不巾亦不襪偃蹇立箕筥清冷逼毛

髮七峰草亭

瘦竹窗櫺青寒梅屋角白雛鶴小襦褌約畧見風

格梅寮

題方環山臨董思翁摹趙吳興鵲華秋色圖

翠彩嵐光刺遠天濟南秋色滿窗前王孫莫謂空

千古又見方壺繼畫禪

容臺別寫鵲華圖三趙同參意致殊余家別有思翁鵲華長幅

其自題云兼採三趙筆意為此他日煩君重點筆碑礫論百肯應

無

三回粉墨窮真宰二老清詩照等夷慚愧博山曾

換得風流儒雅總吾師

程松逸抱疾杜門耽吟又不服藥詩以奉簡

貧是君家慣今年病又侵寒衾風雨卧清興短長

嗟道長身從瘦門閑春已深丁寧親藥裹早得慰

朋心

過鐵佛寺木香繁茂可觀撫今追昔因悼雲

公

僧房一架花如雪密葉吹香遍小闌閑客又隨疎
磬至清談不覺夕陽殘酒攜盧阜招陶令事往襄
陽憶道安風蔓禱褫輒塤閉何人同就月中看

秋日過文上人房

已公茅屋謝公墅詞賦當年應最多怖鴿籠棲忘
色相牽牛瓶浸足吟哦鐘來院靜疑山麓雲過秋
空似水波何必勞師授真諦片時塵事盡消磨

小吳軒曉望用清遠道士韻

結屋層崖巔虛檐接雲漢娟秀愛茲邱欲作荆蠻
竄疎松間叢篁曉色翠可翫白雲凝不流有似水
瀾漫隨風互起伏漸滿橫隕岸須臾陽烏升晶光
錯眼亂是時九月暄窮秋若春半良朋并吳越佳
日感聚散時松逸將返新安因宿贊公房深夜話達旦舉
首望雲山飛鳥不盡翰野情猶未遂塵跡拘可歎
徒慙當時景幽妙莫能贊

題方南堂歸山圖

未出渾不覺歸來喜若何清時閑處有往事夢中

過添得詩名遠休嫌鬢髮皤想君開小閣煙翠鳥
聲和

題方邠鶴送秋圖

一聲鶴唳沈寥天坐對高空思渺然試向孤亭彈
別調白雲黃葉滿山前

松寥閣曉坐用薩天錫韻

焦山昔獨遊茲來偕舊雨對牀清夢斷更漏誰能
數披衣鐙在房啓戶雲生路初景頗留人還上西
崖去

秋夜獨坐

雨餘簷外還蕭颯鐙下攤書讀未殘已分此身成
鈍漢任人他日誚儒冠蛩聲漸近知秋老酒味全
消怯夜闌太息無兒頭早白那堪顧影瘦欒欒

汪南鳴臨董文敏鵲華秋色圖為張希亮題

汪子愛畫誰與倫天水王孫下筆親秋山點黛如
深春秋波粼粼生細文晴窗展翫色斬新濟南草
木多氤氳思翁染翰妙絕塵自謂秀韻同天人詎
知來者能亂真曲江才子烏角巾一峰挂壁撐清
旻對之令我怡心神

乙卯午日

小瓶艾葉剪香叢，墻角榴花委地紅。五日關心逢
競渡，廿年積思等飄蓬。東西兄弟渾如醉，時弟半查暫寓
頭酬唱賓朋孰最工。獨坐閑庭無一事，茶煙輕颺
竹梢風。

全謝山見過山館卽送北上

甬東才子昔相於，今日看花過敝廬。酒醉循環莫
推卻，書籤叢脞待爬梳。論文石角春燈映，話別廊
腰夜月虛。此去槐黃應得意，門前流水望雙魚。

杭莖浦自錢唐來以松吹書堂集見示依韻

奉題

得住錢唐便不貧，兩湖煙月屬詞人。著書況乃等
身富，掃室何來入眼塵。寒日松梢濃似黛，江城雪
下亂如巾。遙知歸理牙籤後，手撫龍鱗翠鬣春。

輓許卯君

十上知稀一哭回，文窮翻令此身摧。空餘秋卷搜
行篋，那復春卿解拾才。淪沒已無仙桂分，淒涼羸
得酒壚哀。不辭雪涕為君語，及第由來慰夜臺。

汪澹人以茗奕諸作見示因贈

我昔不讀書，賦詩慙鈍魯。抽豪十指閒，有似挽強
弩。諷君題扇句，白地工纂組。春風吹叢蘭，麗日照

芳杜忽焉高興發
躑躅思踵武時復
檢舊藏論次到往
古竟陵經擬參平
原史欲補更或張
兩奩要共海僧賭
山館曲而紆六月
涼疑雨藕花向背
開籬槿紅白吐獨
憐几格寒設供惟
潑乳好攜仲叔來
餘勇尚堪賈

謂閑改亭

題畫次程泚江太史韻

秋雲如水澹滌洄
秋室生苔絕往來
我欲徵符和鶴訂
幾時同上眺蟾臺

化蝶詩丙辰秋八月寫所見也

化蝶初成尚欠分

二分一分出埤雅

分蠕蠕草際恰斜曛
鈿

紋猶濕綠新染便欲低飛撲舞袞
等閑已過墻東去何處花繁可得知
莫逞猖狂大海眼迎風曾得幾多時

丁巳春暮值漢原朱七丈於梅花嶺追述祖德縱覽法書繼以佳什因次韻奉酬

除卻行吟百不關偶然花落點衣斑
身閑共擬林中鶴夢冷只依湖上山
舊德當年渾不忘淳風此日尚教還
臨川內史詩篇在枌梓清塵一仰扳

令祖為吾邑賢尹

郭外春深愛晚芳日斜猶自坐虛堂
譚經客至襟

期遠校字人過墨潘香已是蒼顏傲松栢況當家
學富緜緜先生主領襄陽傳來往風流足典章

奉題頰齋舅氏因樹樓集

登樓曾憶十年前正是花繁夜雨天紅白繽紛都
是淚親聞指說曲闌邊

賢良吾舅知名久孺慕閒居七十春慚愧牢之難
得似重繙詩卷一傷神

六月廿五日偕同人福緣禪林逃暑因訪鶴

林徹公

古院與同遊到來涼似秋紅藤倚禪榻白羽對湯

休四靜蟬都嘿三明竹更幽殷勤話京口如上杜
鵲樓

聞蟬和陳竹町

綠槐高柳晚霞天咽咽搖風斷復連大抵秋蟲競
哀怨就中先發是鳴蟬

遲暮離騷感未休年光如客歎遷流如何解脫塵
緣後猶遣詩人一例愁

南齋種竹

娟娟數竿竹移來雨初歇煙梢含碧滋易地同披
拂芳蘭繞其根甘蕉補其闕清響入書帷風過更

疏越羣欣夏日涼獨契秋聲發寓賞各殊致此意
渺難說

山館蓼花

垣衣青合徑蒿蓬幾穉幽花漾小紅便有芙蓉須
點綴縱無煙水亦空濛綠葵曾共誇山味紫蝶偏
來媚晚叢若遇江南徐處士也應寫上紙屏風

壽高西堂五十

十五論交今五十與君同調復同庚琴書偃仰堪
晨夕風雨過從直弟兄貧裏能忘三逕隘秋來多
感二毛生頻年蹤跡相追憶酒綠橙紅倍有情

掩卻書關晝嬾開更教插棘護蒼苔捲簾或有鳥
窺席擡眼惟邀月入杯未許人來憐遁跡幾曾天
不厚清才松筠健質嬰兒性日日斑衣戲老萊

追涼示四弟半查

追涼到處與兄連竹榻生衣尚宛然覆局每當疎
雨後論書多在晚風前丹鉛手勘留三傳兄有手
錄左傳
公穀茶薜孤傾已十年今日夜臺應太息謝家羣
從總華顛

山館柳樹九月不衰松逸旣寫其態復題二
十八字見示柳其從此健矣

誰言弱質先秋隕九月長條尚未黃鶯別多時蟬
又歇依然臨檻耐清霜

過洞庭

不向洞庭過焉知秋水多魚龍潛窟穴橘柚滿巖
阿從事皮夫子浮家張志和高風猶在望慙愧昔
蹉跎

宿石公菴

山光斷處水雲連到處黃橙翠橘天閣閣鳴榔驚
曉夢漁舟撐到臥牀前

小臨海曲此中歌鐵笛橫吹水已波我亦洞庭遊

歷者不知秋思竟如何

登縹緲峯

縹緲太湖心七十二峰右煙翠環四圍點點若土
阜苔雪枕其南晉陵尾其後義興與非溪附麗如
臂肘空亭遭祝融絕頂少窗牖我來值秋末青冥
行可叩置身虛無中天晴風亦吼三唱甫里詩再
酌洞庭酒回憶儗裝時江鄉作重九試問竹西人
有此登高不

雨後坐翠微禪院

翠微禪院寄山椒門對南湖風月橋樓上聽經樓

下飲插天修竹雨蕭蕭

贈湘上人

家本閩邱有素風

上人為顧秀
堃先生昆仲

巾瓶久住翠微中

一燈自續南宗後千首羣推大歷同蔬剪晚餐留

信宿山舍秋雨愛空濛更將貝葉楞嚴義欲與支

公究始終

虞山四截句

爛醉楓林石磴幽由來天與此丹邱

西川先生自
顏墓門曰天

與丹邱

霜飛青女情何限染出虞山一段秋

吾谷

一步一迴方領要三薰三沐始來看雲分嶂斷防

人過時有黑龍門上蟠

劍門

虞山老子劇清狂帶月相看屬和忙

帶月相看並
荷鉏牧翁招

松圓句也

想遇南風怒披拂定拋紅豆過山莊

拂水巖

當年照影人何在千載長留古寺詩一掬寒泉半

堦葉空心潭畔立多時

空心潭

風雨憶石公山

把酒十分看激灩支筇百過愛玲瓏惟餘白浪腥

風日未見顛狂打石公

東華亭勗公次泝江太史韻

清齋小院坐移時因把雲山問我師能遣天花成

沙河遺集卷一
供養底須禪窟益家貲九峯院畔應留偈二陸詞
前好詠詩何事拋來寄華藏聽人魚版不開看師寓

居華藏菴

三月晦日集飲萬石園

滿庭林木暗斜陽石罅天然漏冷光試上高樓一
憑檻綠楊城郭晚蒼蒼

樺燭清尊劇論詩餘花猶向鬢邊吹不因今日成
高會將去春光那得知

和吳旭亭侍御在過山館

茅堂只合野人遊況復蓬蒿徑未幽驄馬忽來喧

曲巷清尊聊引凭虛樓侵墻薜荔崇朝雨破蘚琅
玕四月秋吟罷歸途蟾影散諸生應待院東頭

和孫仙谷過山館之作

疊石茅堂下藤陰小徑開敢言供嘯傲聊自遠塵
埃待客登樓望多君看竹來褰簾驚野鳥著屐破
蒼苔未得三春饌虛言九醞醅蟬聯清論發鱸集
衆人推舊是蘇湖長今稱典制才風華追沈宋唱
和擬王裴謂旭亭侍御坐久忘朝雨情深戀晚杯高吟
慙莫繼相對且徘徊

和全謝山詠汾酒四弟半查同作

釀自文湖水清芬色若空封題垂臘雪開坼待春
風一斗誰相繼周文帝命有司月給孤斟句獨工
從今添掌故傳誦到河東

仙谷以琴魚見惠賦謝

溪水帶琴聲溪魚舊有名翠鮮春日網包裹故人
情佐茗味逾淡擬蔬風益清何當食無報長句媿
新城新城有劉無
人惠琴魚詩

和盧雅雨先生留別淮南故人原韻

樾館煙庭本素期底須雲路歎多岐梅花舊日傳
東閣留待春深賞故枝

天人研究極專精功利從知是所輕先生寓一艇
董相詞

煙江暫來去春波春草自關情

誰人留得蓋寬饒二月蕪城別思迢此去縱無雙
履贈也知頻上伯通橋

胡復齋先生惠寄泉茗漫賦長句志謝

纔吟山色泉聲句又寄餅罌箬籠來攬石直教清
似乳開緘還愛綠于苔幾時陽羨居能卜憶着梁
溪首重回茗椀試嘗詩更讀恍如秋雨淨炎埃

萬石園草木分詠得榆

修柯老枿覆庭戶一片清陰欲無路白榆歷歷種

家園弟橘兄槐影交互

淮南子榆槐橘柚合而為兄弟

飛錢能買

青春來落莢不逐楊花去由來移得天上根大有

仙郎此閒住酒鐺粥鬲晝窗虛架上時還走蠹魚

兩本枝連榮氏樹當年曾見史官書

見宋史

上元夜雪二截句次竹町韻

琉璃珠絡鬧兒童令節剛逢月正中一夕兜羅絲

酷似拂檐縈竹夜濛濛

燈似無情雪有情旋紗烘火一時清呼童準備雙

游履明日看花雪裏行

題汪蛟門先生少壯三好圖

三好蘭陵有晉風先生用意豈雷同何時檢得親
題句補入梧桐詩集中

自昔能文說馬遷還憑子幼表前賢

謂江

收藏遺

照教人識儒雅風流盡可傳

和復齋先生寄示諸什

風微月澹水平漪柳密堤長助渺瀰夜半蟬聲最

鶯脰湖

淒斷感人常是到秋期

鶯脰湖

為愛清冷繫野船更聽松子落珊然童攜茶具僧

攜笠惆悵春深又一年

惠山

絕憐水色與山光領取花閒一枕涼我昔尋遊逢

九日冷菰寒蔣剩餘香

湖西

探奇直到小吳休月滿中庭始出遊料得酸吟瘦

居士也應厭上管弦樓

虎邱以小吳軒為最勝余辛亥年寓居旬日然出游

多在月夜避喧雜也

只恐歸來淚更垂空牀長簟冷秋帷楞伽縱是治

情藥消得微之幾日悲

題悼亡詩後

哭汪澹人

斯人一朝亡雙淚不可制老壽與壯艾浮生總如

寄嗟我分義深疇昔許同志憶我交君時歲紀已

逾二舉世競纖靡惟君擯浮偽舉世尚夸毗惟君

務肫摯出言每恂恂持身常惴惴習俗能移人誰

肯修其內近益愛清吟秀句壓行輩君園饒水石

我館雜蕭艾詩筒遞往來一月凡三四今年風雪

中意氣豪十倍靈辰賦落梅令節歌粉荔

君元日立春詩

中語也戲追玉局翁五疊京兵字

用東坡韻和唐程兩太史至五疊韻

才名世所嗤何遽遭天忌悔不蚤勸君醅酌終日

醉昨朝嬰疾初但道苦肩背及來視匡牀神理漸

茫昧君體素豐腴而竟重泉閉顧我衰朽質知復

幾時在訣別忽兼旬前夜見夢寐生別尚怏怏死

別徒悲涕我兄下世久當年稱密契相逢續舊盟

寒食梨花墜無由出夜臺說以慰兩弟

和復齋先生移居四首

鄉關歸老更謀居草草營成厭綺疏清白西川無
長物蕭條東野有空車未論朱芾堪沽酒贏得青
山好著書從此收身齊物我漆園枕上夢蘧蘧
蘭芷清詞自昔誇梁溪泉脉暗穿沙衣冠已入襄
陽傳水石猶存陸羽家兩地枌榆思舊德一庭煙
雨長新芽揚州大好詩人宅東閣前頭幾樹花
吉祥胸次最爲寬獨寐忘言卽考槃綴緝牙牌成
雅韻縱橫玉子總閑觀春生古柳當窗綠月上平

橋入座寒漫道地偏人迹少強教棲息一枝安

曾經分陝總釣樞笑拂巖花返故吾五白羊還從

少女雙青犢更走長須

宋人寫稚川移家圖如此山谷有題句

也知

放達師聲叟可要風流擬釣徒朋比重爐寒黼帳
耆年且繪十三圖

送陳江臯之天津卽次留別韻

淹雅從教擬嗣通篝燈常共漏聲終牀排曲尺譚
偏勝詩到咸平語遜工蘭臭交情非淺淺梅花驛
路去匆匆憐君依舊身爲客振觸鄉心暮雨中

題雅雨先生借書圖

會稗書都遍長須尚往還高懷輕宦海絕學寄名山
此地慚題戶誰家足掩關圖成宛轉意終恐一
鷓閑

唐天門太史屢有詩逋未償同用東坡挑叔
弼季默詩韻以督之

原是仙才下玉京論詩矜慎似論兵丸泥自可封
函谷縱火翻教走樂生刁斗不同能決勝指揮若
定必交驚須知挑激師尤勁三策強吳敵已傾

題松逸三好圖

靜坐觀書遊玩山水其題冊
云靜坐非必避世遠囂也聊
以養吾神觀書非必立言傳世也聊以醫
吾俗遊玩山水非必搜奇抉勝也聊以適

吾興因自繪圖索題時已
未春二月為六十初度

竹樹茅亭絕點塵小童閑侍鶴雛馴何嘗山水非
深好縱到神仙不傲人一卷蠹書相對老五莖煙
草正生春高懷誰似程居士白石青蘿自寫真

題雅雨先生出塞圖

先生家世隱嵩山少室三花舊往還何事清時賦
于役風衣雪帽向榆關

聞說燕然重紀功暫驅匹馬過崆峒三年
恩詔南歸後黑水虹亭一夢中

小山叢桂動離思幾載淹留董相祠莫忘閑情對

煙月殷勤一寄塞垣詩

今春礙洞庭白下看梅未果存園花事可觀
去東城不數里亦未得往松逸竹町各以
詩來漫賦一律

冷豔懷江上清芬夢五湖如何小籬落亦復讓臞
儒花事晴飛雪詩情冰在壺僧繇能慰我更乞詠

梅圖

謂松逸

題高南阜折柳圖

煮藥頻量董子泉虛窗短榻又秋天三年官罷厨
艱米五月苔深徑有錢

君寓董相祠
五閱月矣

剩藉左書招

舊侶劇憐衰鬢賦歸田不知得與高詹事剪燭聯
吟更幾篇

哭汪綏遠

今年二月梅未開若翁與我同尊罍賦詩飲酒到
日暮更訂後會何歡哈幾日精魂赴杳漠使我酸
痛還疑猜其時五男坐巨創長君心裂如刀裁哭
母未已繼哭父呼號滴血沾麻縗自是無意視人
世合眼惟見親顏來一門叔父雖慰藉七祭未終
形彫頽勺水飢粥不入口神理茫昧歸夜臺古來
純孝列紀載輒摧木折墳枯荻亦有烏巢鶴鳴側

廢詩罷社人禽哀誰其如君以身殉至性直可感
風雷我與君家為世戚非徒文字相追陪謂天不
佑我不信三世醇厚元氣培謂天果佑我不信三
喪疊見寧非災詎知天意自有在跖壽顏天真難
推而況人倫關教化豈在死與不死哉當今
天子重獨行學士椽筆多史才已知足可光簡冊
我又何必為君淚落頻漼漼

題真州方可邨夢遊關塞卷子

江漲通池柳拂橋高懷常是狎漁樵如何一夕燕
然夢卻趁邊鴻夜度遼

黃沙白草塞雲屯大似防秋出薊門覺後不知身
萬里依然明月照江村

沙河逸老小稿卷一終

沙河逸老小稿卷二

祁門 馬曰琯 秋玉

王晴江明府招遊平山時庚申六月二日

自昔蕪城憶舊遊魚龍爵馬一時休蕃釐又歷昆

明劫

蕃釐觀火于戊午年

賸有平山集勝流

不到虛堂已隔年今朝喜值嫩晴天雲開日午憑
闌立多謝青山分外妍

百里平疇與掌同浮圖雙影界虛空瀰濛一片江
光白都在紅霞綠樹中

六一仙翁萬古清和詩還得老門生如何楊柳凋

零盡換卻蕭蕭梧葉聲

泉新泉舊任相沿第五鐫題煞有緣記得良常親

運腕傷心已是十年前

天下第五泉乃虛舟先生辛亥年為予書也擬構一

廊嵌字于舊泉左側久之為劉景山索去

憶著家山興不孤四窗含墨寫天都恍然置我軒

轅頂三十六峯看有無

汪滌崖寫黃山諸峯于平樓

華表嵯峩整不欹英風清節在碑辭雷塘陵墓多

樵牧肅拜誰如五烈祠

烏衣風調本琅邪老矣猶思會合賒六月傳杯過

三月此行遙為接荷花

雙旌冉冉轉松陰拍手兒童笑語深聽訟庭空邱

壑美謝公原不廢登臨

棲靈寺外晚煙澄棲靈寺裏長明燈幾時添箇棲

靈塢高李詩刊第九層

斜陽隱隱在橋邊陸上籃輿水上船惟有枯僧無

住腳一條筇杖劖蒼煙

謂詠堂

水色煙光未足論若為鷗鷺暫相親年來不作江

湖客小立漁梁亦可人

題汪友于思親圖

暫輟無時哭藥藥顧影憐聞詩猶昨日讀禮已經

年雲葉常披絮風林似響泉為言題贈者莫寫蓼
莪篇

送復齋先生菊

秋原零露漸成霜秋士攜筇出郭忙行到籬邊榮
晚節一枝先采報重陽

程軼青獨上江樓圖

樓迴愁何極江空意倍傷況當花落後兼值夜初
長塵鏡那堪拭冰弦未忍張圓蟾不解恨依舊吐
清光

程萼浦以抱琴攜鶴圖索題

古木叢陰薄秋風澗壑清素琴囊蜀錦老鶴候柴
荆對此祛煩慮因之識道情詎同據梧者齊物誚
莊生

除夕次少陵杜位宅守歲韻

殷勤夜惜玉川家盧仝守歲詩
殷勤惜此夜也向春鐙看結花
猶憶少時期刻鵠空慚老大學塗鴉庭梅已見香
堪挹斗柄何妨影漸斜但得明年少人事故園泉
石足生涯

正月十六日同符藥林陸南圻弟半查月夜

遊平山

平山遊屐探尋遍誰解相攜翫冷光一片空明萬
株樹孤亭人影太蒼涼

曲磴紆迴鐘韻幽松深無籟亦颼颼行春臺上層
層月認得煙嵐是五州

我與梅花作主賓更招磊落兩長身襪裊晃漾花
閒立可許胸留半點塵

竹西還是燒燈夜不向春城試管弦寒浸一溪煙
水碧更來闌畔品新泉

題謝梅莊觀察奉母督運圖

王尊嘗叱馭曾子不離親家國情難并晨昏志卻

伸江魚供饌美沙柳逐船春吳楚光榮滿何須羨
洛濱

上巳雨中和竹町二首

佳節年時總不虛東堂南礪飲徐徐祇因一雨心
情減忘卻今朝是祓除

把君詩句憐君意春水重湖願屢乖三十六峯歸
未得與君同此滯清淮

春日同人遊鄭氏休園二首

古木濃陰合蒼苔一逕深廿年勞夢想此日快登
臨繞檻知魚樂巡廊和鳥吟茶烟香細細更喜盍

朋簪

殘陽猶在樹幽翳變朝昏水木清華地煙雲翰墨
存乍來渾似畫久坐欲疑邨谷口今何在春風自
掩門

萬石園牡丹花下感懷二首

楊花作陣燕差池惆悵風光三月時記得隔年留
客醉七人同詠牡丹詩

燈前那忍放狂歌花下頻行喚柰何一霎吹香殘
雨過淚痕還較雨痕多

和泝江太史小漪南四首

亭浸空明擬昔賢樂飢垂釣總堪傳小秦淮畔吳
淞似水竹從教占一川

三板橋連六枳籬沙禽格格蹴漣漪藕花萬點葉
萬柄冰簟胡牀正此時

玉署仙人打睡翁泝江自署也芙蓉四面月當中倚闌

更製牽絲曲艇子嘔啞東復東

鐘聲蓮性落平蹊亭東卽蓮性寺溪上紅雲不隔隄況有

綠楊深似雨把詩吟向五塘西

鳳尾蕉

蕉本產番禺不與衆蕉比根連五羊泥葉帶三瀧

水山齋偶獲之愛護同蘭芷入夏始披風未冬掩
窗紙從來炎方種不耐霜雪灑所異金為膏更詫
火救萎亦如鼯與貉物性難究擬詩云九節蒲見楊
萬里稱名無乃是或云即鐵樹何日花生蕊更云
辟祝融斯語聞載紀緬想嶺南來路越幾千里既
嗟風土殊又屈盆盎裏我欲植地中遂此生生理
攢攢天鳳毛纒纒青鸞尾策策秋雨中瓏瓏明月
底濃陰滿石牀翠色落斐几啜茗對高人清音坐
中起

除夕立春同用真韻

軒庭灑掃淨無塵除夕欣逢歲入春迎送羣情分
冷暖朝昏一日見新陳是日子浮尊卷燭開佳節
艷草拈花戀此辰五十四年渾鹿鹿北堂惟祝比
松筠

菜花

滿地蕪菁滿稜金隔離黃蝶漫相尋上東門外花
初放楊柳陰中春已深獨抱香心便野客不隨繁
豔媚華簪雖然學圃慙無力每到開時也一吟三四

用韓持國陳
簡齋詩意

喬介夫先生賦詩見贈依韻奉酬

安平九老繪成圖風味香山未足殊百里煙波思
把手一朝談笑看掀鬚新詩贈我伸箋寫健步尋
山卻杖扶先生焦山遊興甚勇海鶴精神鷗性格神仙不必
定方壺

南莊四截句

茅堂曾得幾弓寬
菱看潮痕日倚闌
一畧釣橫三畝竹
水邨風景夏能寒

楊柳門閒葦接連
陸乘兜子水乘船
蟬聲未斷蛩聲續
作出新涼七月天

鄰園老桂客爭誇
每到花時悵日斜
何似今朝明

月夜小山秋影屬吾家

逡巡弱弟未能前
何事三高亦阻牽謂環山恬齊漁川弟半查

入網鱗肥香稻熟
他時同擘衍波箋

悼蔣嶸岷

廿載相於託故知
一朝奄棄涕漣洏
不衫不履能醫俗
非色非空學坐馳
臥病怕驚親骨肉
題詩愁對舊容儀
梵覺僧房為其卒地其懸板小照乃十年前繪寫于山館
只今山館無留迹
塵榻依然似昔時

七月十六日邀同人南莊小集晚過黃氏園

亭看桂用顧阿瑛金粟影詩韻

雲日荒涼連斷渚圓蟾永夜清光吐霍家橋畔構
茅堂謬擬樊遲學藝圃連茵接袂聚名流朗潤人
驚羣玉府殘蟬戛戛樹頭鳴倦蝶翩翩堦下舞薌
林隔院送濃芬下澈寒潭上秋宇裂鼻風來斷續
吹遂令十里皆香土憶昔淮南賦小山八公自幸
生毛羽我愛吟香不愛仙誰謂今人定師古芳尊
花月盡今宵還祝來朝少風雨

次夜飲桂花下再疊前韻

折葦荒蘆遍煙渚我有秋心向誰吐竭來偃蹇青
桂叢漠漠江雲溼彖圃卅年前有過江人席地兵

厨攜北府銜杯不放到深更點起紅燈照歌舞懸
知一向惱姮娥定閉瓊樓與玉宇而今主客兩茫
茫歎息美人半黃土我來剛值七月中無限草蟲
齊振羽賦罷劉安彼一時創合吳剛自千古但願
星星香入雲莫便紛紛墮如雨

秋日柬汪近人

交深卅載意綢繆移住城隅小屋幽風裏寒蛩憐
靜夜燈前白苧耐新秋嗜茶定有茶經續能畫羞
來畫直酬清骨向人殊落落懶將巖電閃雙眸

初冬奉邀同人行菴小集次姚蕙田韻二首

黃葉落三逕白雲封一林經旬稀出郭作伴喜過
尋未試安心法先爲自在吟蒼茫寒日裏疎磬暮
沉沉

小憩卽吾廬清冬一歲餘數椽留謝宅八法論何

書是日縱觀義門先生書菘晚聊充饌香殘擬柅車不知苔

雪客亦復契冥虛

題王孟堅山居讀禮圖

良常耆舊已長眠有子洮湖守墓田茅屋三閒雲
自掩禮經一卷淚將穿伊吾靜夜親孤燭幽咽空
山答遠泉我展畫圖寒食後不論宿草總潛然

陸茶塢山中對雪見懷并寄後漢書追憶名

園遊賞之勝已十二年矣依韻奉和

一紀名園隔離根憶泊船水雲常在日文酒尚依
然自命應摩詰偕吟擬月泉當時同榻處惟羨棣
華聯

雪後封書篋渾忘江路遙東京留軌物南國憶葦

蕭蠹卷丹鉛舊螢窗歲月消無能報鴟酒慚媿髮

騷葦爾雅作平聲

和劉補齋先生見懷原韻

隔歲理歸棹遺我瑤華音瑤華日在眼離析愁人

心公含廊廟姿敢謂苔同岑忽乖巖壑賞清醕阻
屢斟春雲川上合回鴈空中吟欲報媿弁陋鬱鬱
遂至今

三月廿一日山館留春

每當春去思絲絲未必春光不我憐挽住芳情憑
舞蝶勾回綠意悵啼鶉髮無可白休輕擲詩不能
吟莫漫捐試緩歸期且留戀斜暉挂在小樓前

雨後南莊和西唐韻

餘寒猶料峭趁取一朝晴攜手石橋去同看春水
生我緣耽野趣君亦賞幽情籬外風花亂飛來撲

面迎

入門延衆綠池畔草初齊仄足防挨筍排椿爲護
隄風前雙燕語午後一雞啼沽得邨醪美銜杯到
日西

題江鶴亭黃芍藥

蘆簾半展映初陽一種翻階額上妝二十四橋名
品在熨開雙眼看鵝黃

低頭作侍教誰服開口封詞頗自誇合與姚家稱
伯仲側金瓊畔占風華

陸南圻張漁川雨中留余兄弟讓圃山樓小

飲卽席作

直擬山中住較山應更幽
雨聲連磬落樹色帶雲流
翦燭頻看鬢論心不下樓
忘機如我輩卽此是菟裘

夏日與茶塢僧房話舊用汪箕臺韻

樹影落深杯閒愁埽不開
廿年隨手去一語上心來
淨案空瓶水寒爐剩印灰
纏絲那忍別斜日漫相催

秋日仲東麓留宿山館賦贈

泗水先賢後蕪城小駐橈
世緣心澹泊素髮影飄

蕭誰辟紅蓮幕空吟白雪謠
秋燈常不寐風雨話東臯

茶塢留宿山館箕臺有詩寄贈兼以柬余依韻繼和

吳客抽帆至蓬門小徑開
供眠惟白石作脯只青苔
賴有芝蘭契頻攜冰雪來
不然秋雨裏閒殺陸山才

茶塢過訪山館留止淡句賦此送別

到來風雨數緣榻長秋苔
獨愛荒涼逕同傾漱澀
盃病餘詩轉健霜後菊
頻開後日相思切蒲帆漫

擬回

嗟我巖棲者多君肯過從求羊慚地主水木仰高蹤
燈燼挑深夜年華感別悰絕憐清露底愁思寫

芙蓉

君以秋江芙蓉寫照索題

厲樊榭納麗

竹西自昔多佳麗名士傾城此一時間說蛛絲曾
拂面便看椒實已盈枝窗外有連蒂椒一株湖邊緩唱迎郎
曲橋畔先歌卻扇詞雙燭影中盃潏灩寒宵真與
意相宜

畫取雙眉當遠嵐隔墻詩老漫相探謂謝幽姿的山

的如瓊玉皓月盈盈正十三顧氏瑤池工點筆蘇

家小袖最宜男國香一覺徵前夢近事南堂喜劇

談

南堂納麗揚州歸與舊姬連育四子

陳齊東以母節婦嫂貞女冊索題

是姑是婦節從容豈獨柔儀號女宗千字誄言誰
狀得一枝修竹映寒松

熒熒相倚守寒釭新月娟娟早墮江劉向班昭彤
史在不曾見說柏舟雙

癸亥九日仝人集行菴出仇十洲畫五柳先生像
作供以人世難逢開口笑菊花須插

滿頭歸分韻得須字

朝來絮衣薄寒色傲茱萸出郭眄蒼翠丈室開行
厨堂懸五柳像貌古神清癯千載此佳節今日夫
豈殊如何詠重九非公莫屬乎嗟我兩鬢白坐見
歲月徂前年躡芒屨遊跡遍東吳穹窿據茂苑縹
緲凌太湖屈指登高地十年如斯須今者偕吟朋
盡日依團蒲有琴且試彈有酒且試酌而我不為
樂應慚此畫圖

題茶塢秋江芙蓉小照

芙蓉江上晚來多碎剪紅雲錦作窩莫問鶯花舊

遊歷冷吟猶未覺蹉跎

鯉魚風起水生紋花著微霜似酒醺我欲涉江搴
木末風流那得不輸君

金陵移梅歌

山館營成近十年梅花何止三回種陽坡陰磴總
摧殘蠹蝕蟻緣等枯葑惱我情懷不願看松竹扶
疎補缺空今年有客過我言借才異地方為用金
陵城外鳳臺門花事漫山眼堪縱驚逢醜怪轉多
姿買取欹斜不辭送急裝小艇過江來正值新寒
時合凍虬枝猶帶建康泥瘦影應縈石城夢轆轤

飛雪肯教閑闌檻移春聊與共如椒細蕊尚含包
已有寒香屋角動贏得高人坐月吟漸看飢鳥迎
風唳轉瞬明年二月中更攜橘酒開深甕

金陵酒名

微雪初晴集山館得鹽韻

藤梢初見一痕黏晴色朝來景物添便有高懷落
巖穴幾多清夢壓書奩風回酒纈先生面日上吟
撚處士髯寒氣昏黃應轉甚甑爐圍火更加炊

松聲以王子安日落山水靜為君起松聲分

韻得靜字

清音連日暮吹落高松頂入耳不聞喧到窗彌覺

靜彈琴對寒空孤詠酬幽境獨鶴忽飛來霜風時
一警

同遊建隆寺用沈傳師游道林岳麓寺韻

梵刹蕭條何足論十圍樹響洪濤奔行人過此屢
回首當年豈是髡僧園維宋東行討巨鎮雀兒顧
命誰並尊欲將鐵券屈臣節何怪不服如陽樊揚
子湯湯殺氣震旌旗閃閃愁雲昏皇威下壓燕壘
碎羽衛歸來戍撤屯御榻存留御容降營地肇開
不二門至今鐵鑊貯瓦礫天陰鬼哭垂啼痕吁嗟
天不奪柴氏三關已復國本根試問後來彰武殿

可有祠官奉玉樽興亡萬事隨轉燭紛紜雨覆兼
雲翻祇餘金仙常住世慈容朗朗神軒軒太息晉
陽一隅耳寬大獨容劉繼元

浮山禹廟觀壁閒山海經塑像排律三十韻
妣氏留遺廟蕭晨祇肅來靈旗風颭颭社樹葉堆
堆祕殿憑浮石中臺接斗魁趨承珪幣儼侍御鬼
神猜冕服彰彛藻明禋薦玉巵華棖紅退色妙塑
土存坏造物由來異洪荒實可哀萬方齊沮洳九
則盡倭傀浩浩天關閉湯湯地軸座登山行白馬
幹蠱痛黃能川鎖支祁浪林飛大翳灰決排平怒

溢疏鑿盪雲洄啓後應多績承先罔有災八埏勤
畚鍤三過戴毋追要極蛇龍變方知德教該睢盱
國士手刻畫惠之才混沌同呈狀何羅妄逞胎蛾
緣鼠作匹蝨與蚓爲媒聶耳輪常託穿胸竅洞開
諸惟詳紀載豈是供諧談岳瀆經旁証蟲魚疏別
裁史通文太缺天問對堪哈惟后能諳耳其功實
懋哉卽今峯嶄萃如聽水喧逐識緯兼羣驗刀圭
備百材理推真誕詭用適亦弘恢但使新碑煥毋
令舊壁頽標題窮窟宅指點到崔嵬隱隱鯨鐘發
淵淵夔鼓催流觀誦底定臨去更徘徊

消寒初集晚清軒分得青韻

招邀又復到寒廳拈韻裁詩倚曲屏陽氣初交猶
滯暖疎梅小破已微馨今宵試驗檐前月來日重
看望後莫贏得年年為此會熏爐朋比倒雙餅

梅花紙帳歌

相傳古有梅花帳此帳未見徒空聞偶然發興以
意造人稱好事同欣欣搓掌玉繭辨簾路裁縫冰
楮嚴寸分巢林古榦淡著色高子補足花繽紛寫
成完幅挂竹榻垂垂曳曳波浪紋清絕難成夢香
多不散雲曙後也應來翠羽更深還擬伴湘君帳

中何所枕一囊秋露黃菊醞帳中何所覆蘆花半
壓白雪霽戲蝶忽三五變化麻姑裙問誰來試之
予意最殷勤短檠搖影羅浮去詩境來朝定不羣

邗溝廟

誰言霸業消沉盡衰柳寒蕪廟貌留翁媪何知論
戰伐椒漿空自薦春秋餘皇一徙終為越羅繡三
重尚念周不憤猶亭亭下水年年嗚咽到邗溝

首春行菴小集分詠梅花事得羅浮

人云梅花仙乃是萼綠華試觀龍城錄其言信不
差師雄遇美人雲鬢驚堆鴉麗質頗相銜清言應

遞誇是時那自覺明日方嗟呀豈唯飲酒人何從
覓酒家回思昨夜夢一樹空橫斜寄言羅浮客珍
重見梅花

二月五日集篠園梅花下用香山詩為起句
得蒸韻

二月五日花如雪疑坐孤山最上層一片竹聲寒
澗水十分禪味小乘僧詩心尚記從前會梅事還
教向後徵不比葷羶長夜飲但將歌舞簇紅燈

雨中懷藥林

魚鴈何曾斷空教往復頻花時牽遠夢雨裏惜殘

春詩定能追古官應不救貧與君同繫念五十七
年人

行菴食筍限笋字

迎軒衆綠繁繞砌孤花盡時維竹之秋籬角迸新
筍乘此初發萌裂地劖蛇蚓不惜鴉觜鉏欣得瑤
玉軫乍脫紫衣裯旋墮綠雲鬢清香未入口風味
已儘儘敢叅佛印蔬禪悅悟貪忍聊以佐行廚清
齋伴土菌如何作韻語使我飢腸窘坐莽應自嗤
入山休見哂還擬食貓頭草鞵行峭緊

送王梅泚之京

沙河逸老小稿卷二終
細雨輕寒正麥秋江鄉拋卻釣魚舟
依人可得爲長策錄別還應憶舊遊
廿載浮踪落淮甸五年清詠滿山樓
何堪聚散雲萍似況是星星兩白頭

沙河逸老小稿卷二終

沙河逸老小稿卷三

祁門 馬曰琯 秋玉

南莊野眺用東坡書王定國所藏煙江疊嶂
圖韻

插天青柳高于山一縷雲白縈炊煙人家大半在
邨落平疇彌望心曠然此地港汊通江湖有信支
流直接中泠泉到處五畝十畝竹清陰團色疑斜
川遙峯翠影盡呈露金焦兩點當我前恨不拏舟
向空際風帆沙鳥浮江天網師舉網得劍脊貫以
柳葉鮮且妍買魚沽酒食罷坐池上菱絲裊裊荷

田田君不見分秧苦晴麥苦雨農夫力田稀逢年
近聞連耒聲拍拍遠見棟子花娟娟小橋流水夕
陽下閒童曲肱跨犢眠橫幅大年無乃是攜手不
羨飛行仙山光寺鐘殷殷發塵襟喚醒區中緣直
欲冥心狎鷗鳥一誦南華秋水篇

覓句廊晚步

偶因閑客啟疎籬斜日看看影漸移一曲闌干數
株樹晚風吹動鬢邊絲
安石榴花豔豔開琅玕新葉碧于苔無端詩境從
空得悔卻東廊久不來

食鱠魚聯句

海鮮來四月日瑄節物數江臯風借東方便鶚屬潮

乘上信豪郭公啼雨早藻王棟子著花高截水千絲

網馬曰緣流幾葉舠蒼黃惜鱗鬣陳咫尺失波濤

圍圍傷同隊閔喁喁憫爾曹脊橫堆翠鈿陸鍾尾

帖臥銀刀得雋漁人喜張四居奇市價操沙頭貫

楊柳瑄曰街口伴櫻桃俊味河豚媿鷄芳腴石首逃

圍臍嘲稻蟹藻獷殼賤車螯指動何妨染日涎流

詎厭饕淵材談誤恨章孫勛韻深褒去乙砧初斫

華調辛釜乍轅煮宜加荻筍鍾和不用藺蒿飽食

仍蕭瑟

四科

嘗新漫鬱陶貢曾同嶺荔

瑄曰

薦更重溪

毛因軫百金費

鶚

還停一騎勞此鄉真獨擅

藻

作

客屢曾叨致遠如藏枏

章

封題每藉糟爛應愁內

潰

曰

薨祇享殘膏腹負誠為累

華

身謀任所遭撫

時將競渡

鍾

按酒共離騷剪燭西堂夜

四科

爭拈險

語鏖

瑄曰

禹鴻臚尚基五瑞圖聯句

天中節物鴻臚筆礮砢歲蕤狀非一

閔

若榴的的

開紅巾頰玉軫綴碧葉新

鶚

幾團角黍裹綠箬半

尺菖蒲露青鰲

程夢

盧橘壓枝真蠟黃胡蒜一拳

簾押光

陳章

中央寘以酒盈甕快讀離騷飲須痛

藻

禹生久客在京師寫此娛賓共解頤

瑄曰

躡柳紛

紛塵撲面不見飛鳧嬉海淀

方士

水鄉風景憶江

南微官落拓畫尚堪

馬曰

宮扇宮衣那易得差勝

殘杯兼冷炙

陸鍾

圖成聊解楚臣飢九節堯韭仙

可期

華

塗林子待秋房滿京口山形符益算

鶚

洞

庭晚翠花欸冬鄉人誰寄輕筠籠

星

錫以嘉名曰

五瑞淋漓醉墨欹斜字

章

藏弃今歸好事家高齋

同展玉鴉義

藻

濃陰如水雨新霽絡石垂垣搖薜

荔

瑄曰

朋尊飛送蠻箋裁遠隔東華十丈埃

士

升平

行樂逢上日五毒潛銷百事吉曰題詩看畫自年

年他時佳話應流傳鍾輝

分詠西湖古蹟送樊榭歸錢唐得過溪亭

辨才老師住龍井窮年不出風篁嶺是誰賺得隔
溪來亭下游魚驚過影只今亭子竹娟娟五月清
陰帶早蟬行吟拄杖東歸去想見風流長帽仙

書唐人詩集後分得杜少陵

少日不得志獻賦來咸京中年補拾遺字內方用
兵二載北征作十口彭衙行豈無獨酌時對酒難
為傾有唐多詩人孰如公忠誠我今讀公詩霖雨

剛初晴晚日照窗戶寂歷秋堂清悲公時與地涕
淚紛紛縱橫言言念君父字字憐蒼生所以稱詩史
獨擅後世名

分詠行菴秋花得鴈來紅

賓鴻一兩聲西風巧如織幾藂葉作花染就猩紅
色下有寒蛩鳴唧唧墻陰側如何冷淡中翻此絢
爛極我老難更少可有還丹力卻對草中仙撫時
三太息

重九後二日樊榭至自武林同人適有看菊
之集分得佳韻

菊蕊盈枝香霧排陶家清興繞書齋秋花愛寄蕭
閒地好友能開寂寞懷三徑雨風寧少負一年琴
酒不教乖峭帆纔落吟情續又比臯亭句子佳

樊榭

來時有過臯
亭臨平諸詠

秋日題鄭板橋墨竹畫幅

如君落落似晨星相見時當清露零贈我修篁何
限意兩竿秋節一窗青

題方環山所藏明寧獻王畫

畫師擅佳名大半在巖壑煙霞恣嘯傲泉石供芒
屨探收尺幅中墨色多淡著有明寧獻王志在帝

王畧當其捷金川夫豈甘寂寞一朝藩豫章豪氣
頓非昨讀書松檜巔囊雲廬阜脚此圖寫真境下
筆殊落落挂君之書齋氤氳滃簾幕君家六法精
近代都鑿削而獨取茲圖命意貴澹薄謂非內醞
釀鮮不外熏灼少年希功名終老侶猿鶴畫乃餘
事耳於焉見寄託

分詠揚州古蹟得水亭

作亭始獨孤亭孤境清冷佳月啓冰奩微風泛煙
艇延及淮南徐偵楊欲移鼎夜引宋齊邱畫灰旋
滅影同此水一泓機智各相騁當其宴衆賓寒漪

光罔罔如何蓄深謀心兵凜蠅黽亭今已無存淒
迷誰復省

冬日小集行菴分詠得詩壇

六義婉張韓人多側目看幾同望塵拜誰敢對盟
寒談笑伸豪素風雲起舌端東南執牛耳不信是
儒冠

冬日田園雜興

禾稼匆匆輸稅了布袍絮帽倚檐前城中買得新
官歷愛說明年是稔年
健婦拋鋤糠貯火丈人棄甕土支牀迎親忙了家

翁事新婦佳兒烏犢香

竹掩梅藏自一邨雞聲人語舊籬門西風雲淨月
初上正照田家老瓦盆

髡柳沿堤冷日斜粉書農具比鄰誇幽風滿眼留
題遍槌鼓聲聲噪晚雅

漢首山宮銅雁足鐙歌

槃下銘云竟寧元年
護為內者造銅雁足

鐙重四觔十二兩護武嗇夫霸掾廣漢主
右丞賞守令麋護工衣史不禁首山宮內

者第廿五
受內者

漢帝竟寧之元年呼韓單于稽首前鄉禮慕義願
保塞從此天子毋防邊帝因賜爵傳三輔寢廟寢

園還故土首山銅鑄首山鐙猶照鼎書翳復吐齋
宮燿火光燭天破鏡臬鳥隨飛煙象形鎔范定儒
士蹠足陽烏薦吉蠲憶昔效靈來五色西河世廟
矯雙翼冰弦瑤瑟踵甘泉元酒陶匏牲繭粟慶雲
清影未移辰未央宮瓦潛酸辛蛭脂幾見華槃膩
蠟淚俄驚甲觀新電抹星移二千載硃碧沉埋出
精彩祠官姓字細如絲鳥跡蠶文留篆楷老我眇
昏眎若無摩挲古物媿空疎秋窗試聽賓鴻過一
點釭花認嗇夫

初夏行菴同用謝康樂首夏猶清和為起句

并次其韻

首夏猶清和林木雨方歇羣賢欣朗潤賤子苦汨
沒瘦骨支草衣雙肩承素髮庭樹閱千年逢春依
舊發云胡老逼人飛鳥送日月吟情旣枯澀逸興
難超越幾時塵物空憇此靜心闕殘磬聲泠泠斜
陽影忽忽悵然撫微躬庶以謝天伐

五月十二日集篠園

時候黃梅近林亭宿雨晴早荷爭水出晚筍上階
生雲影過橋斷茶聲隔院清可憐城市客無復此
閑情

看山樓雪月聯句

雪初晴月復清厲氣最負光晶瑩陳章登層樓暢幽

情姚世炙冰硯溫酒鐺日瑄澄萬象增雙明馬曰

廣寒府白玉京鷄竹聲瀉松影橫章籟既寂思已

盈世剪殘燭戀深更日瑄歲云晏志合并日瑄

集補齋先生寓齋詠庭中老桂

團團青桂樹偃蹇傍山幽嫩葉經時換秋香一院

收風塵寧易識詩卷定長留只有星辰竝金波淡

影浮

山館坐雨以雨檻臥花叢風牀展書卷分韻

得卷字

中夏積雨滋青苔闕庭院生衣著體涼簷溜當窗

濺嗟予半載餘不復理殘卷欣茲良友過幽懷殊

眷眷

題紙窗竹屋圖

琅琅高詠一燈深破帽遮頭冷不禁雪後從來得

奇境幽篁瘦鶴兩知音

七峯草亭遲雪以張伯雨山留待伴雪春禁

隔年花分韻得伴字

一白凝臘前風花互零亂戶墜絮減溫井凍晨不

爨篝燈攜硯具忍寒據吟案今朝草亭中嵇阮重
得伴熏爐映竹橫茶煙逢石斷起聽凍雀喧行復
出新翫

送團冠霞入都

白沙詩格好風骨更蕭蕭縞帶交期晚梅花驛路
遙雁和人作伴書借酒頻澆好向丁沽去離情問
柳條

春日集績學堂食甜漿粥

晨起空齋初罷沐蕭騷短髮驚新禿饑腸不耐混
羶腥結隊城南食豆粥城南方法傳燕京試炊瓦

釜甘而清漉之礫之澄濾淨一盂靈液疑通精我
謂淮南非妙術水中作乳猶存質何似長腰共作
糜和肝益胃能消疾此味吾儒昔所諳直將風味
結僑郊淡交真意差堪匹貝葉經幢未許參前行
菴僧
亦作豆漿粥
而法未精膏面油油渾似玉盛以冰甌招近局
底須寒食餽桃花日日加餐良已足

環山西疇玉井同過玲瓏山館時玉蘭正開
滿徑晴雲滿架書故人攜手到堦除忘機得似知
交少見鏡應知鬢髮疎樓上看山情奕奕花前分
韻意徐徐吟成兩樹開如玉不負春風二月初

殘梅

今年花事苦奇寒纔見梅開忽又殘風過不禁三日賞我來難及十分看忍教吟客尋幽夢羞與桃花倚石闌如此蹉跎便零落白頭相對恨漫漫

采蘋曲

有序

白蘋以吳興得名好事者往往扁舟遠致移種盆池閒競相賞詠頃有采自楊子津者重跗累萼狀如白蓮與吳興所產正同乃知蘋花不遇柳文暢其人則至今猶沉淪於荒江寂寞之濱矣因作采蘋曲以紀

其事

江頭江水清瀾瀾蘋葉平鋪三十里翠帶牽絲一丈長涵煙浥露空披猖吳興高士蓮莊客攜得白蘋香繞席重跗累萼擬芙蓉作賦題詩故惱公前槩後槩尋不歇九衢一望開如雪纔識揚州有此花不遇詞人在自嗟采來猶恐根不活曲沼還傳栽種訣準擬看花日幾巡朗吟日暮江南春誰知一見花開後愁殺蕭齋白髮人

初夏同人過補齋先生行菴寓齋卽次先生

游休園韻

心閑境與清道尊知益寡先生棄軒冕一榻寄林
下林下古竺房謬欲接風雅先生獎借之竟於我
乎假竹樹三數叢香茅一兩把高吟擬鮑謝古人
直凌跨時來就公讀斑剝類殷學鬚鬢何蒼蒼巾
烏殊灑灑多少授經徒何異卜子夏前者休園游
風雨失豔冶遺構曾留題所賞在疎野含情到今
古豈漫搯觚者願言奉几杖翠影杯中瀉

喜謝山至因憶樊榭菹浦蕙田諸游好

炎燄苦逼人五月如六月何處滌煩襟僧房蔽林
樾我友雙韭山三年坐倏忽昨朝江上來不巾復

不韞煮茗日卓午談諧日已沒高吟百五詩一涼

清到骨

謝山新著有百五春光集

因思兩湖人綠荷映鬢髮更

憶寒鑑樓菰蒲繞書窟同心而離居相望隔吳越
樹頭蟬又鳴年光易銷歇

分韻消夏食單得石華粉

瑤枝產石根細齒珊瑚狀揚帆東海頭采掇瀝盆
盎方寸截凍膠糖薑佐冰釀乍食伏三尸一嚙冷
九臈

銅鼓歌

溪峒夷獠風俗譌從古薄伐憑干戈武侯忠義貫

日月驅蠻亦似驅，公膺至今遺跡留。桂海銅鼓其一埋，藏多上如坐墩空。其內細花兩面無，偏頗線圈十道同。月暈文環旁列疑，蠶窠當年鑄此耀。威勢淵淵振動驚，山河後人掘得每鄭重。一鼓市值百鎰過，吾家伏波征交趾。曾聞改鑄此鼓式，馬駝駱越賽神亦屢用。彭鏗叩撞兼夷歌，不知是一還是二。但愛朱碧斑剝纏斗蜎，同人手拍復杖擊。一日何啻三摩挲，吁嗟此鼓去今千百載。昇行萬里供吟哦，旌旗行隊若相望。寒色秋風戰薜蘿。

秋日泛舟過環溪得航字

湖水漲溢風力強，倒牽逆挽浮小航。當門剩見荷葉亂，隔院早聞巖桂香。冷雲半池作秋色，清露一杯澆渴羌。此中直欲十日住，可能容我歌滄浪。

為寄舟上人題天池石壁圖

中吳山水佳，天池夙所慕。往歲恣行吟，曾踏松陰路。是時九月中，風葉落如雨。上涵明鏡光，倒影射寒兔。石屋千載留，高士幾回住。別來踰一紀，夢魂屢沿溯。寄公湯休徒，文字契真悟。攜圖出示我，一見豁沉痼。念往俗慮湔，懷新秋色赴。惜哉筋力衰，足蹇慚故步。持此當臥遊，白雲莽回互。

于酒

第八洞天水釀來風味清過江南酒冠開甕主人
情酒為茶五字虞山老三蕉嶰谷生烏程知莫敵
塢所餉斟酌到深更

南齋分詠得曲柄壺盧

一壺遺老僧不知何年植曲頸繫長繩時時懸臥
側縮地非敢期大藥寧易得惟願藏異書科斗我
獨識

送謝山歸四明

山館歲云暮空江人獨歸著書那免困違俗自無

肥苦信藏名是深言止酒非句章風雪裏亦或憶
柴扉

丁卯正月六日郊遊用陶淵明游斜川韻

人生衣食足百事可以休或者厭枯坐聊與尋清
遊當茲歲六日相逢多勝流豈異同隊魚還如聚
沙鷗藉草息深澤望遠登高邱緬懷義熙人遙遙
非我儔更進酒一觴歡然成唱酬試問塵勞客嘯
歌有此不歌竟感時節伸豪寫我憂青陽聊足賞
紫芝焉可求

題西疇圖

方罨雜柴荆難兄小筆成梅花在竹外山色與樓
平風氣儼上古桑麻無俗情披圖豁心目我亦欲
躬耕

集讓圃投壺

忽聞天上笑不道是投壺奉矢儀遵禮徵歌術用
儒我無一籌展人見隔屏輸聊作文場戲何妨酒
百觚

展上已集環溪草堂流觴讌會

撰辰直溯永和上襖飲重教展一旬南澗東堂添
故事疎花叢篠媚餘春波心激盪杯浮檻詩思纏

絲月滿身我亦年來紆鬱甚清流聊爾照烏巾

五日席閒詠嘉靖雕漆盤聯句

盤形如荷葉
中刻龍舟芙蓉

藻水禽之屬底有金
字云大明嘉靖年製

有明迨中葉日瑄制器率由舊麗盤出摩挲

汪玉
樞

髹漆工刻鏤式自果園遺

厲

法匪楊漚授三蚪脆

松黏

馬曰

一盛卷荷皺堆灰屢磨刮

陳

章設色雜紛

糝中央赤龍船

姚世

鱗甲動陰豷水殿撥露橈

張

科疑習昆明門旁繞紅荷湖

曰

毛羽啞羣喙風蒲

舞芸苗

玉

宛向太液觀光潤本欲測

鶚

堅緻卻無

厚憶昔世廟年

曰

正屆重五晝盧橘上林珍

章

香

菰御厨侑排當走黃門世羅列承翠袖掌異銅仙

擎四科哥傳玉蛾奏戲金欸猶新曰剔紅器逾壽賞

心良朋合玉樞曰儂指佳節又清尊助酣嬉鸚草具亦

釘餽象牙未云奢曰蚌殼無乃陋奇技古所非章

善價今方售底須弔湘纍世故物感詞囿四科

展重五集小玲瓏山館分賦鍾馗畫得踏雪

圖

黑雲垂垂天漠漠滕六翻空氣蕭索巖壑慘澹森

寒光九首山人鬚戟張不著巾袍鞞短勒蠻褐遮

身欹席帽跨驢橋滑不肯前大鬼挨鞭小鬼鞭山

魑野魅那及避倒縛肩挑佐晚醉枯林一帶鳴荒

臯從此百怪不敢號人謂山人負奇氣生前骯髒

死猶厲又謂山人志騷屑不踏輒紅踏殘雪我張

此圖五月中但愛幽澗鳴迴風畫師有意與無意

道眼看來等遊戲一庭冰雪淨吾胸子虛烏有亡

是公

喜雨用建除體

建壇合樂千人看除地震位疑仙官滿願立欲挽

旱乾平明灑灑仍漫漫定風旗幟龍蛇蟠執事童

男星斗攢破空一尺神明歡危哉農師今始安成

功夫豈憑黃冠收書捲幔怯微寒開懷點滴槐花
繁閉門努力還加餐

雨後兩明軒坐月得鹽韻

天宇看猶濕洗空明玉蟾暑應無處著清欲與人
兼竹樹幽四壁琴書淨一簾只愁深夜坐照得鬢
絲添

七夕分賦效唐人試帖體得花入曝衣樓

簾幙當空挂迎涼月一鈎綺羅風淅淅環珮夜悠
悠衣桁饒香氣花枝媚早秋蓮塘星影曙蘭畹露
華浮無語頻修鬢含情不下樓天人欣共接河漢

在東頭

平山堂秋望

前賢遺躅地風韻至今留剩有寒泉冽空餘梧葉
秋江澄三面繞山遠一堂收冉冉斜陽下鐘魚起
客愁

九月十五日集行菴招大恒具如兩師茶話
徑轉廊紆鴨腳黃未能拋得且閑忙題詩昨日又
今日說偈松房更竹房靈運淵明原竝世天親無
著本同鄉聲聞不醉空諸有一任秋林下夕陽
送茶塢歸里

客裏又秋深蕭蕭葉滿林慚予爲地主致子動歸
心幾日情懷惡一江風露侵銷愁惟仗酒酒到不
堪斟

霍家橋道中和竹町韻

車鳴十五里南郭且閑尋冷翠風前亂古香雲外
侵人因吟秀句天爲寫寒林更待來朝雪平田一
尺深

冬夜宿南莊

空江欲雪雲冥冥天低月暗吟寒廳獨雁時聞四
窗白雙眼乍合孤燈青敗蘆叢篠環沙尾幾樹橫

斜映清泚未春先已發幽香歲晚籬邊見冰蘂城
南小築掩柴荆裊裊茶煙客思清夜犬無聲人語
寂枯碁坐隱已三更短童前觸屏風臥簷外一聲
驚雀墮蕭騷水閣紙衾單有夢不愁花底澗

焦山觀音巖晚望用宋人趙冰壺韻

水色嵐光萬古存我來剛是洗霾昏咸池接日東
南坼雲夢連江八九吞風裏迴翔天外鷗佛前吟
嘯樹頭猿長空一望襟懷豁喚取山杯捧竹根

焦山看月以江流有聲斷岸千尺山高月小
水落石出分韻得月字

十年不到浮玉山夢裏時時幽興發琴聲憶著冷
侵肌詩思尋來清入骨天公從古妬佳遊未必重
登還見月今朝賈勇挂帆過正值晴冬寒不冽夜
深雲淨五三星浪湧潮翻逼銀闕望處澄江徹底
明吟成遠岫排空沒黃蘆苦竹舞平沙驚起香林
定巢鶻同行有客氣最豪把酒披裘坐巖窟廣寒
八萬四千戶要與江山助奇突人生此境豈常遭
拾得莫教隨手撒經窗且復嗅梅花海風吹我蕭
蕭髮

登雙峯閣以清磬度山翠閒雲來竹房分韻

得清字

黃緣躋傑閣未上心轉驚不知俯瀕洞直擬凌空
明飛鳥在其下白雲隨我行遙天望不極滿耳風
濤聲沉滯豁焉散襟抱為之清欲下還徒倚勝境
能移情

寒夜石壁菴聯句

為愛焦山好清冬況得朋日瑄來因海月滿宿憶

翠微曾屬鸚梵室鄰峯勢經樓避石稜方士閑攜塵

外拂吟借佛前燈馬曰風動飄金磬天高淡玉繩

杭世駿松濤時警鶴芋火漫隨僧陳章梅氣鬩芬馥江

聲聽渤澥閔靜參禪一味冷泥酒三升陸鍾夢擬

靈祠乞銘從古鼎徵樓帶圍思楚玉像繡展吳綾

曰寺有楊文襄公玉帶已為僧付質庫宋繡佛尚存舊事添圖牒奇懷

入寢興鶚鼉更蓮漏續龍藏竹錐騰士篆印銷婆

律牀敷暖毳毼曰空談對劉勰名理叩張憑世覆

局碁收電停豪硯結冰章森森寒氣冽晶晶夜光

澄華興劇渾無寐神淒恐不勝鍾明朝放歸棹游

思尚飛騰錡

歸宿南莊二絕

乘潮又放南莊棹恰似春風二月初籬外疎梅梅

外竹併教寒月浸堦除

全憑沙鳥作詩媒更藉寒花佐酒杯何事幽人耽

寂寞未曾十日兩回來

沙河逸老小稿卷三終

沙河逸老小稿卷三

三

